

BUKANA YA TLHAHISOLESSEDING

**E PHATLALADITSWE HO LATELA KAROLO YA 14 YA
MOLAO WA NTSHETSOPELE YA HO FIHLELLA
TLHAHISOLESSEDING WA 2000 (MOLAO WA 2 WA
2000)**

BUKANA E RADUWENG YA NTSHETSOPELE YA HO FIHLELLA TLHAHISOLESERING

1	KGUTSUFATSO	Bukana ya Molao wa Ntshetsopele ya ho Fihlella Tlahisoleseding			
2	MOHLANKA YA IKARABELLANG	Mong. Steven Mabalane, Mongodi ya Tswereng Mokobobo			
3	MOELETSI WA MOLAO	Mof. Connie Sefo Molaodi: Lekaleng la Ditshebeletso tsa Molao			
4	E SEBEDISWA:	Dintlheng tsohle tse mabapi le melawana ya Lekgotla la Ketsamelao la Freistata le ditokomane tsa tsamaiso tse amehang			
5	HO IKOPANTSWE LE:	Lekala la Bongodi			
6	LETSATSI LEO E AMOHETSWENG KA LONA:				
7	KGATISO YA	1.0			
8	E FUMANEHA HO	Intranete	Tjhe	Websaete	Tjhe
9	DITOKOMANE TSE AMEHANG	Ha diyo.			
10	E ABETSWE:	Basebeletsi bohle ba hiruweg ka ho otlooha ke Lekgotla la Ketsamelao la Provense ya Freistata			
11	LETSATSI LA HO KENNGWA TSHEBETSONG:	15 Mphalane 2024			
12	LETSATSI LE LATELANG LA HO LEKODISWA BOTJHA HA TOKOMANE:				

DIKATENG

- A. SEBOPEHO LE MESEBETSI YA PALAMENTE YA PROVENSE YA FREISTATA.....**
- B. KAMOO HO KA KOPANWANG LE BAHLANKA BA TLHAHISOLESEDING.....**
- C. DITATAISO MALEBANA LE MEKGWA YA HO KOPA TLHAHISOLESEDING HO
LATELA MOLAO WA NTSHETSOPELE YA HO FIHLELLA TLHAHISOLESEDING.....**
- D. DIREKOTO TSA PALAMENTE YA PROVENSE.....**
- E. DIREKOTO TSE KA FUMANEHANG KANTLE HO TSHEBEDISO YA MOLAO WA
NTSHETSOPELE YA HO FIHLELLA TLHAHISOLESEDING.....**
- F. DITSHEBELETSO TSE FUWANG SETJHABA LE MOKGWA WA HO FIHLELLA
DITSHEBELETSO TSENA.....**
- G. SEABO SA SETJHABA.....**
- H. DITOKOMANE TSA PALAMENTE YA PROVENSE DI KA FIHLELLWA JWANG.....**
- I. MEHATO E KA NKUWANG HA MOTHO A HANETSWE KA DIREKOTO.....**

A. SEBOPEHO LE MESEBETSI YA PALAMENTE YA PROVENSE YA FREISTATA

1. Palamente ya Provense ya Freistata ('Palamente ya Provense) ke Lekgotla la Ketsamelao la Provense kahare ho Provense ya Freistata.
2. Ho latela karolo ya 114 ya Molaotheo wa Rephaboliki ya Afrika Borwa, 1996 ('Molaotheo'), Palamente ya Provense e na le boikarabello ba ho etsa melao bakeng la Provense ya Freistata, mmoho le ho beha tsamaiso ya mmuso wa provense leihlo.
3. Ho latela karolo ya 118 ya Molaotheo, Palamente ya Provense e lokela netefatsa hore setjhaba se ba le seabo ditshebeletsong tsa mmuso.
4. Palamente ya Provense setheo sa setjhaba ho latela karolo ya 1 ya Molao wa Ntshetsopele ya ho Fihlella Tlhahisoleseding, 2000 (PAIA).

B. KAMOO HO KA KOPANWANG LE BAHLANKA BA TLHAHISOLESERING

5. Mohlanka wa Tlhahisoleseding wa Lekgotla la Ketsamelao la Provense ke Mong. Steven Mabalane (Mongodi ya Tshwereng Mokobobo).
6. Mohlanka wa Tlhahisoleseding a ka letsetswa nomorong ya mohala, eleng 051 407 1100 kapa a romellwa molaetsa ho ModipaD@fsl.gov.za
7. Motlatsi wa Mohlanka wa Tlhahisoleseding wa Lekgotla la Ketsamelao la Provense eke Moftso. Connie Sefo (Molaodi: Ditshebeletsong tsa Molao).
8. Motlatsi wa Mohlanka wa Tlhahisoleseding a ka letsetswa nomorong ya mohala, eleng 051 407 1100 kapa a romellwa molaetsa ho ConnieS@fsl.gov.za.
9. Aterese ya poso ya Palamente ya Provense ke P. O. Box X20561, Bloemfontein, 9300.
10. Aterese ya sebaka ya Palamente ya Provense eke 41 Charlotte Maxeke Street, Bloemfontein 9300.

**C. DITATAISO MALEBANA LE MEKGWA YA HO KOPA TLHAHISOLESERING HO
LATELA MOLAO WA NTSHETSOPELE YA HO FIHLELLA TLHAHISOLESERING**

11. Khomishene ya Ditokelo tsa Botho ya Afrika Borwa e phatlaladitse ditataiso tse malebana le mekgwa yah o kopa tlhahisoleseding ka tsela e ikamahanyang le dikateng tsa Molao wa Ntshetsopele ya ho Fihlella Tlhahisoleseding.
12. Ditataiso tsena di ka fumanwa ho www.sahrc.org.za – *Understanding PAIA* (tlasetlase leqepheng la websaete) – *SAHRC Section 10 guide*

D. DIREKOTO TSA PALAMENTE YA PROVENSE

13. Kahare ho tse ding, Lekgotla la Ketsamelao la Provense le na le direkoto dintlheng tse arotsweng ka mekgahlelo e latelang:

(a) Ditokomane tsa Palamente

Ho kenyelleditswe maqephe a tsamaiso, ditsebiso, ditokomane tse tekwang le diphelelo tsa dikomiti, maqephe a dipotso, Hansard le metsotso ya ditsamaiso.

(b) Diphatlalatso

Tlhahisoleseding e akaretsang e malebana le Lekgotla la Ketsamelao la Provense le mesebetsi ya lona.

(c) Ditabatabelo tsa Ditho tsa Palamente

- (i) Ditho tsa Palamente ya Provense di lokela ho phatlalatsa ditabatabelo tsa tsona selemo le selemo.
- (ii) Rejistara ya Diphatlalatso tsa Ditabatabelo tsa Ditho e lokela e etswa le ho bolokwa Polokelong ya Direkoto tsa Ditabatabelo tsa Ditho ya Lekgotla la Ketsamelao la Provense

(d) Dibili/Melao ya Palamente

Dikgatiso tse fapafapaneng tsa Dibili (dikamolao) le melao e fetisitsweng

(e) Ditokomane tse hlahisitsweng ke botsamaisi

- (i) Botsamaisi ba Palamente ya Provense bo nehelana ka tshehetso ho ditho tsa Palamente ho ba kgontsha ho phetha mesebetsi ya bona jwaloka basebeletsi ba mmuso.
- (ii) Ho fihlella tsena, botsamaisi bo hlahisa ditokomane tse fapafapaneng tse amanang le mesebetsi wa bona.

E. DIREKOTO TSE KA FUMANEHANG KANTLE HO TSHEBEDISO YA MOLAO WA NTSHETSOPELE YA HO FIHLELLA TLHAHISOLESSEDING

14. Tlhahisoleseding efe kapa efe e senotsweng kapa e buuwang komiting ya Palamente ya Provense, moo ditsamaiso tseo di neng di buletswe setjhaba, kapa ditsamaisong tsa Ntlo ya Palamente ya Provense, e ka fumaneha ntle le tshebediso ya molao wa ntshehetsopele ya ho fihlella tlhahisoleseding, empa etlaba maemong fela ao ho ona mokopi a fuwang tlhahisoleseding eo ka mokgwa wa dijithale.

15. Tlhahisolesding e mabapi le ditaba tse latelang e ka fumaneha ha bonolo websaeteng ya Lekgotla la Ketsamelao la Freistata, eleng www.fsl.gov.za:

- (a) Thuto ya setjhaba, dithupello tsa boitjhoriso, seabo sa setjhaba, dithapedi, le disebediswa tsa thuto;
- (b) Ho etela Lekgotla la Ketsamelao la Provense;
- (c) Ditaba, diphatlalatso tsa boraditaba le ngodiso ya balekane ba boraditaba;
- (d) Dikgeo tsa mesebetsi le dikopo tsa mesebetsi tse etsuwang ka inthanete;
- (e) Dithendara le kamoo batho ba ka kgwebisanang le Palamente ya Provense;
- (f) Sebopheho sa tshebetso sa setheo, melawana ya boitshwaro, le lenane la basebetsi;
- (g) Tlhahisoleseding e akaretsang malebana le mesebetsi ya Lekgotla la Ketsamelao la Provense;
- (h) Ponelepele, maikemisetsa le ditumelo, mekga ya dipolotiki, nalane, matshwao, *Commonwealth Parliamentary Association*, mesebetsi ya Lekgotla la Naha la Diprovense.
- (i) Tlhahisolesding ya Ditho, mabatowa a ditho, melawana ya boitshwaro, rejistara ya ditabatabelo tsa ditho;
- (j) Metjha ya ho etsa melao, khalendara ya palamente, ditokomane tsa Lekgotla, dipuo tsa Boemo ba Provense le Boemo ba Naha, melawana le ditsamaitso tse hlonngweng, divideo;
- (k) Botho dikomiting tsa Lekgotla, ditokomane tsa dikomiti; le

- (l) Melao, ho latedisisa meralo ya Dibili, melao ya Lekgotla la Naha la Diprovense, Hansard, diphatlalatso, dikoranta tsa mmuso tsa provense, le dipehelo tsa selemo le selemo tsa mafapha.

F. DITSHEBELETSO TSE FUWANG SETJHABA LE MOKGWA WA HO Fihlella DITSHEBELETSO TSENA

16. Lekala la Seabo le Thuto ya Setjhaba ke lona le ikarabellang ntlheng ya ho netefatsa hore setjhaba se ba le seabo mananeong a raduweng. Mona ho kenyelletswa mananeo a reretsweng ho thusa dikolo, Palamente ya Batjha le a mang a mangata.
17. Lekala la Seabo le Thuto ya Setjhaba le ka fumanwa ho (051) 407 1100. Sheba le ho www.fsl.gov.za.

G. SEABO SA SETJHABA

18. Batho ba Freistata ba kgothalletswa ho ba le seabo ditsamaisong tsa Palamente ya Provense.
19. O ka ba le seabo Palamenteng ya Provense ka ho shebella ditsamaiso nakong eo ho nang le dipuisano kahara Lekgotla, kapa wa hla wa nka karolo nakong e oho etswang melao ka ho nehelana ka maikutlo a hao melaong e raduweng nakong eo ho tshwereng dikopano le setjhaba.
20. Melao ya provense e boetse e neha batho ba Freistata matla a ho lebisa dithapedi tsa bona Palamenteng ya Provense mabapi le dintlha tse itseng.
21. Sheba ho www.fsl.gov.za.

H. DITOKOMANE TSA PALAMENTE YA PROVENSE DI KA Fihlellwa JWANG

- 22. Boemong ba 1: Dikgato tse qalang**

Leqephe la 8 ho a 10

- Etsa bonnete ba hore rekoto eo o e hlokan e fela ele rekoto e tshwerweng kapa e tlasa taolo ya Lekgotla la Ketsamelao la Provense.
- Ebang rekoto eo o e hlokan e fumaneha ntle le tshebediso ya PAIA, jwaloka ha ho hlalositse seratswaneng sa 15 kahodimo, kenya kopo ya hao, mme o hlalose ka ho hlaka hore ke rekoto efe eo o e hlokan, ho Mohlanka wa Tlhahisoleseding.
- Sheba websaeteng ya Lekgotla la Ketsamelao la Provense, ho www.fsl.gov.za, to bona hore na rekoto eo o e hlokan e teng moo.

Kgato ya 2: Foromo ya Kopo

- Ebang o sa atleha ho fuma rekoto eo o e hlokan kamora ho phethela kgato e qalang kahodimo, ho na le foromo ya kopo eo o lokelang ho e tlasa le ho e lebisela Lekgotleng la Ketsamelao la Provense. Foromo ena ya tlatsetso e ka fumanwa ho Motlatsi wa Mohlanka wa Tlhahisoleseding/e hlomathisitse manualeng ona/websaeteng ya Lekgotla la Ketsamelao la Provense.
- Foromo ya kopo e lokela ho lebiswa ho Mohlanka wa Tlhahisoleseding.
- Ebang o ka ba le bothata malebana le ho tlasa foromo ya kopo, o ka kopa thus oho Motlatsi wa Mohlanka wa Tlhahisoleseding.
- Ebang o etsa kopo boemong ba motho emong, etsa bonnete hore o hlomathisa khopi ya taelo eo o e fuweng ke motho eo ho paka hore o fela o etsa ho latela kamoo o romilweng ka teng.

Kgato ya 3: Ditefello

- Ditefello di pedi tse ka etswang tlasa PAIA:
 - (a) Tefello ya ho etsa kopo: ha ho hlokehe hore mokopi ya hlokan rekoto e nang le tlhahisoleseding ka ha dintlha tsa

bophelo ba hae a lefiswe tefello ya ho kenya kopo. Tefello e hlokehang e lokela ho tsamaya le kopo e etswang. Ho latela Tsebisano ya Mmuso ya Nomoro ya R. 223., 2001, tefello ya kopo ke R35.00; mme

- (b) Tefello ya ho fihlella rekoto: Ebang kopo e amohetswe, hona le tefello e etswang ya ho fihlella rekoto molemong wa tlhahiso ya direkoto, ho kenyelletsa le nako e nkuweng ho batla le ho hlophisa direkoto hore di tle di phatlalatswe. Ditefello sena di hlakisitswe kahara Tsebisano ya Mmuso ya Nomoro ya R. 223., 2001

Kgato ya 4: Tshebetso ya kopo

- Ho latela dipehelo tsa Molao wa Ntshetsopele ya ho Fihlella Tlhahisoleseding, Mohlanka wa Tlhahisoleseding o na le matsatsi a mashome a mararo (30) ho ka dumella kapa ho hanela kopo, mme ha a hlolehile ho etsa jwalo kopo e ka nkuwa ele e hanetsweng.
- Mohlanka wa Tlhahisoleseding o tla tsebisa mokopi ka ha sephetho sa kopo.
- Hangata mokopi wa rekoto o tla e fumantshwa ha ele hore o kgonne ho ikamahanya le dipehelo tsa Molao wa Ntshetsopele ya ho Fihlella Tlhahisoleseding, le ha eba:
 - (a) Kopo e entswe ka mokgwa wa ho tlatsa foromo ka nepo;
 - (b) Ho na le bopaki bo lekaneng ha motho ya etsang kopo a e etsa boemong ba motho emong;
 - (c) Ho fanwe ka tlhakisetsano e nepahetseng ya rekoto e kopuwang;
 - (d) Ditefello tse hlokehang di entswe; le ha eba

- (e) Ha ho na mabaka a ka etsang hore kopo e hanelwe ho latela dipehelo tsa Molao wa Ntshetsopele ya ho Fihlella Tlhahisoleding.

I. MEHATO E KA NKUWANG HA MOTHO A HANETSWE KA DIREKOTO

23. Motho ya sa kgotsofatswang ke qeto ya Palamente ya Provense ya ho mo hanela ka rekoto kapa direkoto a ka lebisa tletlebo ya hae makgotleng a dinyewe ho fumana thuso.

J. TUMELLO

24. E amohetswe ke Mongodi ya Tswereng Mokobobo ka la 14 Mphalane 2024

E saentswe: _____
Steven Mabalane